

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVICI
STRUČNA SLUŽBA GRADONAČELNIKA

Primljenio:	29-07-2022		
Org. jed.	V	Reg. broj	Br. priloga
01	06	2096/92	

Bosna i Hercegovina
Federacija Bosne i Hercegovine
Zeničkodobojski kanton
Grad Zavidovići
Općinski vijećnik Skejić Samir
Datum: 30.06.2022. godine

Gradsko vijeće Zavidovići
Gradonačelnik grada Zavidovići
N/ R predsjedavajuća gradskog vijeća
Mr. Iur. Erna Merdić Smailhodžić

Predmet: Zabrana vožnje bučnih vozila- motocikala i četvorotočkaša u užoj urbanoj zoni

Obrazloženje:

Poštovani, osvrnuo bih se na hroničan problem u najužoj urbanoj zoni a izravno se tiče nepovoljnog utjecaja nedozvoljenog nivoa buke na živote i zdravlje ljudi. Naime, znajući da je neželjen nivo buke negativni prediktor u pojavi bolesti zamoliću Vas da zajednički razmotrimo mogućnosti kojima se ova okolnost može značajno reducirati u urbanoj zoni.

Za početak, bilo bi dovoljno identificirati razloge koji doprinose pojačanom nivou buke u urbanoj zoni i eventualno detektovati vrijednosti nivoa buke u najizloženijim dijelovima grada a potom izraditi kartu nivoa buke za pojedine dijelove grada. Kad se prikupe svi neophodni podaci bilo bi potrebno u zonama sa nedozvoljenim nivoom buke donijeti odluku da se zabrani transport i vožnja svih vrsta motornih vozila koji proizvode nedozvoljen nivo gradske buke. S obzirom na specifične uvjete u našem gradu za početak je dovoljno zabraniti vožnju glasnih motocikala i četvorotočkaša sa nivoom stacionarne buke iznad 95 decibela.

Inicijativu podnosim u skladu s članom 109. u pisanoj formi.

S poštovanjem, samostalni gradski vijećnik

Skejić Samir
Samir Skejić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOKSKI KANTON
GRAD ZAVIDOVIĆI



Broj: 02-04-2015/22-AP-6
Datum: 26.07.2022. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Samira Skejića za zabranu voženje bučnih vozila – motocikala i četverotočkaša u užoj urbanoj zoni, dostavlja se

U prilogu akta dostavljam vam stav po inicijativi vijećnika Samira Skejića podnesenu za zabranu voženje bučnih vozila – motocikala i četverotočkaša u užoj urbanoj zoni.

Stav po podnesenoj inicijativi dostavljam u skladu sa članom 109. stav 5. Poslovnika o radu Gradskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019 i 4/2021).

S poštovanjem

Dostavljeno:

1. Naslovu,
2. U spis.

GRADONAČELNIK





Broj: 02-04-2015/22-AP-5

Datum: 26.07.2022. godine

GRAD ZAVIDOVIĆI
GRADSKO VIJEĆE ZAVIDOVIĆI
- O d j e -

Na osnovu člana 109. stav 5. Poslovnika o radu Gradskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019 i 4/2021), povodom podnesene inicijative vijećnika Samira Skejića za zabranu voženje bučnih vozila – motocikala i četverotočkaša u užoj urbanoj zoni dostavljam:

PREDMET: Stav po inicijativi vijećnika Samira Skejića za zabranu voženje bučnih vozila – motocikala i četverotočkaša u užoj urbanoj zoni, dostavlja se

Inicijativa vijećnika Samira Skejića za zabranu voženje bučnih vozila – motocikala i četverotočkaša u užoj urbanoj djelomično se prihvata.

Podnesena inicijativa se odnosi na provođenje aktivnosti na identificiranju razloga koji doprinose pojačanom nivou buke u urbanoj zoni, eventualnom detektovanju vrijednosti nivoa buke za pojedine dijelove grada i izradi karte nivoa buke za pojedine dijelove grada, te posljedično donijeti odluku da se zabrani transport i vožnja svih vrsta motornih vozila koji proizvode nedozvoljen nivo gradske buke, a za početak zabraniti vožnju glasnih motocikala i četvorotočkaša sa nivoom stacionarne buke iznad 95 dB.

Inicijativa se djelomično prihvata iz razloga kako slijedi:

Članom 20. stav (3) Zakona o zaštiti od buke Zeničko-dobojskog kantona („Službene novine Zeničko-dobojskog kantona“, broj: 1/14) koji uređuje pitanje buke od saobraćaja i drugih izvora, navedeno je:

„Za provođenje aktivnosti usklađivanja s dozvoljenim nivoima buke odgovorne su kantonalne institucije nadležne za upravljanje saobraćajnom infrastrukturom i za reguliranje saobraćaja“.

Iz navedenog proizilazi da jedinice lokalne samouprave nemaju nadležnosti kada je u pitanju zabrana ili ograničavanje saobraćanja vozila koji u saobraćajnoj dozvoli imaju unesenu stacionarnu buku od 95 dB. Nadalje, saobraćajne dozvole, za razliku od istog dokumenta u EU, ne sadrže podatak o nivou stacionarne buke koju vozilo proizvodi, te i da jedinice lokalne samouprave imaju nadležnost u predmetnoj oblasti, odluka bi praktično bila neprovodiva.

Što se tiče identifikacije nivoa buke i izrade karte nivoa buke, navedena obaveza je propisana Zakonom o zaštiti od buke Zeničko-dobojskog kantona, kako slijedi:

„Član 8.

(Karta buke)

(1) Kantonalni i općinski organi uprave, nadležni za poslove prostornog planiranja, u okviru svoje nadležnosti, osiguravaju izradu karte buke za predviđanje, bilježenje i praćenje nivoa buke.

(2) Karta buke je grafički prikaz postojećih i planiranih nivoa buke i sastavni je dio planova prostornog uređenja. Početnu kartu buke organ iz stava 1. je dužan izraditi u roku od tri godine od dana stupanja na snagu ovog zakona i ažurirati je svake tri godine.

Član 9.

(Grafički prikaz buke)

(1) U prostornom planu, urbanističkom planu i provedbenom (regulacionom) planu određuju se predviđeni nivoi buke na kartama odgovarajuće razmjere, kao i ugrožene zone sa planovima zaštite, mjerama i rokovima.“

U skladu sa navedenim, Službi nadležnoj za poslove prostornog planiranja naložit će se da osigura da ubuduće prostorno-planska dokumentacija sadrži i dio propisan Zakonom o zaštiti od buke.

Kako je definirano članom 27. upravni nadzor nad primjenom Zakona o zaštiti od buke Zeničko-dobojskog kantona vrši Ministarstvo za prostorno uređenje, promet i komunikacije i zaštitu okoline Zeničko-dobojskog kantona, a inspekcijski nadzor nad primjenom ovog zakona vrše, u okviru svojih nadležnosti, nadležne kantonalne inspekcije Kantonalne uprave za inspekcijske poslove i općinska komunalna inspekcija.

S poštovanjem

Dostavljeno:

1. Naslovu,
2. U spis

Obradila: claudia
(Džeraldina Miličević)

GRADONAČELNIK

doc. dr. Hašim Mujanović

